

**ODLUKU
O DAVANJU SAGLASNOSTI ZA IMENOVANJE
DIREKTORICE JAVNE USTANOVE OSNOVNA ŠKOLA
"ŠEJH MUHAMED EF. HADŽIJAMAKOVIĆ"
SARAJEVO**

I

Daje se saglasnost Školskom odboru javne ustanove Osnovna škola "Šejh Muhamed ef. Hadžijamaković" Sarajevo, da se Emina Hrnjić, profesor pedagogije, imenuje za direktoricu škole.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-13232-19/19

04. aprila 2019. godine

Sarajevo

Premijer

Edin Forto, s. r.

Na osnovu člana 6. i 7. Zakona o investiranju javnih sredstava ("Službene novine Federacije BiH", broj 77/04 i 48/08) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo na 14. sjednici održanoj 04.04.2019. godine, donijela je

ODLUKU

**O IMENOVANJU INVESTICIONOG MENADŽERA ZA
(INVESTICIONU INSTITUCIJU) MINISTARSTVO
FINANSIJA KANTONA SARAJEVO**

I

AMEL KOVAČEVIĆ, ministar finansija Kantona Sarajevo, imenuje se za investicijskog menadžera (Investicijska institucija) Ministarstvo finansija Kantona Sarajevo.

II

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-14644-23/19

04. aprila 2019. godine

Sarajevo

Premijer

Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), i tačke V Odluke o osnivanju Vijeća za sigurnost saobraćaja na cestama u Kantonu Sarajevo ("Službene novine Kantona Sarajevo", br. 38/16 i 34/18), na prijedlog Ministarstva saobraćaja Kantona Sarajevo, Vlada Kantona Sarajevo, na 13. sjednici održanoj 04.04.2019. godine, donijela je

RJEŠENJE

**O IMENOVANJU ČLANOVA VIJEĆA ZA SIGURNOST
SAOBRAĆAJA NA CESTAMA U KANTONU
SARAJEVO**

I

U sastavu Vijeća za sigurnost saobraćaja na cestama u Kantonu Sarajevo (u daljem tekstu Vijeće) imenuju se:

1. Adnan Šteta - Predsjedavajući Vijeća (ministar saobraćaja Kantona Sarajevo),
2. Admir Katica - član (ministar unutrašnjih poslova Kantona Sarajevo),
3. Mr. Zineta Bogunić - članica (ministrica za obrazovanje, nauku i mlade Kantona Sarajevo),
4. Mr. sc. Srdan Mandić - član (ministar komunalne privrede i infrastrukture Kantona Sarajevo),
5. Doc. dr. sci. med. Amela Sofić - članica (ministrica zdravstva Kantona Sarajevo),
6. Damir Filipović, MA prava - član (ministar prostornog uređenja, građenja i zaštite okoliša Kantona Sarajevo),
7. Selmir Kovač, dipl. ing. saobr. - član (direktor Direkcije za puteve),

8. Adnan Alikadić, MA - dipl. ing. saob. - član,
9. Edo Memišević, mr. dipl. ing. saobraćaja i komunikacija - član,
10. Kemo Zilić, dipl. ing. saob. - član,
11. Adnan Tatarević, MA - dipl. ing. saob. - član,
12. Mirzet Sarajlić - MA - dipl. ing. saob. - član,
13. Ešref Salković, dip. ing. grad. - član.

II

Vijeće iz tačke I ovog Rješenja će obavljati zadatke utvrđene tačkom II Odluke o osnivanju Vijeća za sigurnost saobraćaja na cestama u Kantonu Sarajevo ("Službene novine Kantona Sarajevo", br. 38/16 i 34/18).

III

Ministri i direktor Direkcije su članovi Vijeća po osnovu svog mandata, a članovi iz reda stručnjaka imenuju se na period od 5 godina sa mogućnošću još jednog ponovnog imenovanja.

Članovima Vijeća iz reda stručnjaka mandat teče od momenta prvog imenovanja.

IV

Članovi Vijeća iz reda stručnjaka za oblast sigurnosti saobraćaja na cestama u Kantonu Sarajevo imaju pravo na naknadu za rad čija visina je utvrđena posebnom odlukom, ukoliko nisu zaposleni u organima uprave na bilo kojem nivou vlasti u Bosni i Hercegovini.

V

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

VI

Stupanjem na snagu ovog Rješenja prestaju važiti rješenja Vlade Kantona Sarajevo broj 02-05-9462-31/17 od 02.03.2017. godine i broj 02-05-38360-6/18.

Broj 02-05-13232-20/19

04. aprila 2019. godine

Sarajevo

Premijer

Edin Forto, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 14. sjednici održanoj 04.04.2019. godine, donijela je sljedeći

ZAKLJUČAK

1. Daje se saglasnost na Pravilnik o investiranju javnih sredstava Kantona Sarajevo broj 08-01-14-14606/19 od 02.04.2019. godine.
2. Daje se saglasnost na Politiku investiranja raspoloživih novčanih sredstava Kantona Sarajevo za 2019. godinu broj 08-01-14-14606-1/19 od 02.04.2019. godine.
3. Pravilnik iz tačke 1. ovog Zaključka, objavit će se u "Službenim novinama Kantona Sarajevo".

Broj 02-05-14644-24/19

04. aprila 2019. godine

Sarajevo

Premijer

Edin Forto, s. r.

Na osnovu člana 6. stav 4. Zakona o investiranju javnih sredstava ("Službene novine Federacije BiH", br. 77/04 i 48/08), ministar finansija Kantona Sarajevo, uz saglasnost Vlade Kantona Sarajevo, donosi

PRAVILNIK

**O INVESTIRANJU JAVNIH SREDSTAVA
KANTONA SARAJEVO**

I - OSNOVNE ODREDBE

Član 1.

(Predmet)

Ovim pravilnikom definiše se svrha i principi investiranja raspoloživih novčanih sredstava Kantona Sarajevo (u daljem tekstu: Kanton), te postupak, sadržaj i rokovi izvještavanja o

izvršenim investicijama. Odredbe ovog pravilnika u smislu člana 2. stav (2) Zakona o investiranju javnih sredstava ("Službene novine Federacije BiH", br. 77/04 i 48/08) (u daljem tekstu: Zakon) odnose se na investicionu instituciju Ministarstvo finansija Kantona Sarajevo (u daljem tekstu: Ministarstvo).

Član 2.

(Definicije korištenih pojmova)

- (1) Pod raspoloživim sredstvima, u smislu ovog pravilnika, podrazumijevaju se novčana sredstva na Jedinstvenom računu trezora Ministarstva, koja trenutno nisu potrebna za druge namjene, ni ti su ograničena drugim namjenama. Pod Jedinstvenim računom trezora podrazumijevaju se računi koji se vode u ime Ministarstva, u skladu sa članom 2. tačka g) Zakona o trezoru u Federaciji Bosne i Hercegovine ("Službene novine Federacije BiH", broj 26/16).
- (2) Pod investicionim menadžerom podrazumijeva se fizičko lice, brokerska kuća i banka, koju propisno ovlasti investiciona institucija i ovlaštenja joj se povjere u ime investicione institucije da investira, vrši transfer ili na drugi način upravlja javnim sredstvima.
- (3) Politika investiranja podrazumijeva utvrđivanje vrsta odobrenih investicija u koje će se ulagati raspoloživa javna sredstva, najveći iznos ulaganja i druge okolnosti značajne za određivanje stepena rizika ulaganja.

Član 3.

(Investicijski menadžer)

- (1) Vlada Kantona Sarajevo donosi Odluku o imenovanju investicionog menadžera, u skladu sa odredbama čl. 6. i 7. Zakona.
- (2) Na prijedlog investicionog menadžera, Vlada daje saglasnost na godišnju politiku investiranja u skladu sa uslovima i ograničenjima propisanim Zakonom i ovim pravilnikom.

II - INVESTIRANJE RASPOLOŽIVIH NOVČANIH SREDSTAVA

Član 4.

(Svrha i principi investiranja)

- (1) Investiranje raspoloživih sredstava iz člana 2. stav (1) ovog pravilnika vrši se isključivo u svrhu povećanja javnih sredstava, uz uvažavanje principa sigurnosti, likvidnosti i disperzije rizika.
- (2) Pod principom sigurnosti investiranja podrazumijeva se utvrđivanje ograničenja i kriteriji investiranja raspoloživih sredstava kako bi se smanjio rizik investiranja.
- (3) Pod likvidnošću investiranja podrazumijeva se poštivanje općeg pravila kojim se utvrđuje da investirana sredstva moraju imati rok dospijanja kraći od roka namjenskog trošenja raspoloživih novčanih sredstava.
- (4) Pod disperzijom rizika podrazumijeva se aktivnost investiranja u smislu da se raspoloživa sredstva mogu investirati u oročene depozite kod više banaka.

Član 5.

(Vrste investiranja i računi za investiranje)

- (1) Raspoloživa novčana sredstva investiraju se isključivo u oročene depozite kod bilo koje banke koja je članica Agencije za osiguranje depozita Bosne i Hercegovine.
- (2) Investiranje slobodnih novčanih sredstava u oročeni depozit vrši se putem računa za investiranje u okviru Jedinstvenog računa trezora, putem banaka na osnovu najboljih uslova investiranja na bazi zaključenih ugovora.

Član 6.

(Ograničenja investiranja)

U oročeni depozit kod jedne banke, u smislu člana 4. Zakona, investira se najviše do 25% raspoloživih novčanih sredstava, s tim da se najmanje 10% javnih sredstava mora investirati u odobrene investicije čije dospijanje ne prelazi sedam dana.

III - POLITIKA INVESTIRANJA

Član 7.

(Provođenje politike investiranja)

- (1) Politika investiranja provodi se kroz sljedeće postupke:
 - a) utvrđivanje podataka o raspoloživim novčanim sredstvima, analiza priliva i odliva sredstava za koje se vrši investiranje;
 - b) analiza uslova investiranja kod poslovnih banaka i donošenje Odluke o investiranju;
 - c) izvještavanje o poduzetim aktivnostima investiranja.
- (2) Investicijski menadžer imenuje Radnu grupu za namjenu i analizu investiranja raspoloživih novčanih sredstava Kantona Sarajevo (u daljem tekstu: Radna grupa Ministarstva), koja u saradnji sa Odborom za likvidnost provodi postupke politike investiranja navedene tač. a) i c) iz stava (1) ovog člana.
- (3) Investicijski menadžer imenuje i Komisiju za izbor banaka, za provođenje postupka politike investiranja navedenog u tački b) iz stava (1) ovog člana.
- (4) Investicijski menadžer određuje vrstu postupka kojim će se vršiti izbor banaka sa najpovoljnijim uslovima investiranja.

IV - UTVRĐIVANJE PODATAKA O RASPOLOŽIVIM NOVČANIM SREDSTVIMA

Član 8.

(Izrada prijedloga gotovinskih tokova)

- (1) Utvrđivanje podataka o raspoloživim novčanim sredstvima, koja trenutno nisu potrebna za druge namjene niti su ograničena drugim namjenama, vrši Radna grupa Ministarstva na osnovu planova novčanih tokova. Odbor za likvidnost, vodi računa o potrebi za gotovinskim sredstvima i namjeni njihovog trošenja, razmatra i odobrava plan novčanih tokova.
- (2) Planovi o novčanim tokovima izrađuju se iz izvora propisanih članom 5. Zakona o trezoru u Federaciji Bosne i Hercegovine ("Službene novine Federacije BiH", broj 26/16).
- (3) Radna grupa Ministarstva na osnovu izvora iz stava (2) ovog člana sačinjava:
 - a) prijedlog dnevnog trošenja budžetskih sredstava po svim osnovama;
 - b) prijedlog mjesečnog trošenja sredstava sa utvrđenim terminima plaćanja;
 - c) prijedlog godišnjeg plana trošenja budžetskih sredstava;
 - d) prijedlog potreba za gotovinskim sredstvima sa namjenom trošenja i
 - e) prijedlog raspoloživih sredstava za investiranje, sa terminskim planom dospijanja.
- (4) Radna grupa Ministarstva, o raspoloživim sredstvima za investiranje sa terminskim planom dospijanja, obavještava investicionog menadžera tri dana prije donošenja odluke o investiranju raspoloživih sredstava.
- (5) Radna grupa Ministarstva, na zahtjev investicionog menadžera dostavlja i dodatne analize i objašnjenja u vezi sa prijedlogom raspoloživih sredstava za investiranje.

V - INVESTIRANJE RASPOLOŽIVIH SREDSTAVA

Član 9.

(Odluka o investiranju raspoloživih sredstava)

- (1) Investicioni menadžer odlučuje o investiranju raspoloživih novčanih sredstava, donošenjem Odluke o investiranju raspoloživih novčanih sredstava u skladu sa godišnjom politikom investiranja i prijedlozima trošenja raspoloživih sredstava od strane Radne grupe Ministarstva i Odbora za likvidnost.
- (2) Odluka iz stava (1) ovog člana, predstavlja okvir za investiranje raspoloživih novčanih sredstava tekuće godine, na osnovu koje će se provesti procedura izbora investicijskih banaka i donijeti posebne odluke o investiranju za svaku investiciju posebno.
- (3) Nakon sprovedenog postupka za izbor najpovoljnijih banaka za investiranje raspoloživih novčanih sredstava, investicioni menadžer donosi posebne odluke za svaku investiciju posebno, a na osnovu odluke iz stava (1) ovog člana, vodeći računa o najpovoljnijim uslovima investiranja.

- (4) Odluka iz stava (3) ovog člana sadrži podatke o: izabranoj banci putem koje će se investirati sredstva, iznosu sredstava koji će se investirati, kamatnoj stopi i roku dospjeća investicije.
- (5) Na osnovu pojedinačnih odluka iz stava (3) ovog člana investicioni menadžer potpisuje ugovor o deponovanju sa izabranim bankama.

VI - POSTUPAK, SADRŽAJ I ROKOVI IZVJEŠTAVANJA O IZVRŠENIM INVESTICIJAMA

Član 10.

(Izvjštavanje o izvršenim investicijama)

- (1) Radna grupa Ministarstva uspostavlja i vodi evidenciju o investiranim raspoloživim novčanim sredstvima (to jest o stanju i kretanju plasiranih sredstava od strane investicionog menadžera) po svim investiranjima, kao i o investicionim efektima i sačinjava mjesečne izvještaje o izvršenim investicijama.
- (2) Izvještaj iz stava (1) ovog člana treba da sadrži tačne podatke o:
- iznosu ukupno investiranih raspoloživih javnih sredstava,
 - iznosu investiranih sredstava prikazanih pojedinačno sa datumom investiranja i rokovima dospjeća, nazivom banke, kamatnoj stopi i sl.,
 - investicionim efektima prikazanim po svakom investiranju, rezultatima investiranja procentualno i vrijednosno u vidu prihoda od investiranja.
- (3) Investicioni menadžer podnosi Vladi Kantona Sarajevo polugodišnji i godišnji izvještaj o efektima investiranja za protekli period.
- (4) Evidencija iz stava (1) ovog člana mora se voditi redovno, tačno i uredno, a ista će služiti za izradu godišnjeg izvještaja o investicionim rezultatima Ministarstva.
- (5) Godišnji izvještaj iz stava (4) ovog člana dostavlja se Federalnom ministarstvu finansija/financija, najkasnije do 31. marta tekuće godine za prethodnu godinu.

VII - PRIHOD OD INVESTIRANJA

Član 11.

(Prihod od investiranja)

Sredstva ostvarena od investiranja prihod su Kantona i raspoređuju se budžetom Kantona za opće namjene.

VIII - ZAVRŠNE ODREDBE

Član 12.

(Stupanje na snagu)

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 08-01-14-14606/19

02. aprila 2019. godine

Sarajevo

Ministar

Amel Kovačević, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), te član 217. Zakona o upravnom postupku ("Službeni glasnik BiH", broj 29/02, 12/04, 88/07, 93/09, 41/13 i 53/16), Vlada Kantona Sarajevo, na 14. sjednici održanoj 04.04.2019. godine, donijela je sljedeći

ZAKLJUČAK

O ISPRAVCI RJEŠENJA O IMENOVANJU V.D. PREDSEDNIKA I V.D. ČLANOVA UPRAVNOG ODBORA JAVNE USTANOVE DOM ZDRAVLJA KANTONA SARAJEVO BROJ 02-05-13992-1.4/19 OD 29.03.2019. GODINE

I

U Rješenju o imenovanju v.d. predsjednika i v.d. članova Upravnog odbora Javne ustanove Dom zdravlja Kantona Sarajevo broj 02-05-13992-1.4/19 od 29.03.2019. godine u tački I u podtački 4. briše se interpunkcijski znak i riječ "Hadžibajrić".

II

Ovaj Zaključak je sastavni dio Rješenja o imenovanju v.d. predsjednika i v.d. članova Upravnog odbora Javne ustanove Dom zdravlja Kantona Sarajevo broj 02-05-13992-1.4/19 od 29.03.2019. godine.

III

Ovaj Zaključak proizvodi pravni učinak od dana od kojeg pravni učinak proizvodi Rješenje, broj 02-05-13992-1.4/19 od 29.03.2019. godine i isto će se objaviti u "Službenim novinama Kantona Sarajevo".

Broj 02-05-14644-26/19

04. aprila 2019. godine

Sarajevo

Premijer

Edin Forto, s. r.

Na osnovu člana 17. stav (3) Zakona o izvršavanju Budžeta Kantona Sarajevo za 2019. godinu ("Službene novine Kantona Sarajevo", broj 6/19) i člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 14. sjednici održanoj 04.04.2019. godine, donijela je sljedeći

ZAKLJUČAK

1. Odobrava se preraspodjela sredstava u Budžetu Kantona Sarajevo za 2019. godinu u iznosu 69.220,00 KM i to:
- sa razdjela 12 Ministarstvo pravde i uprave Kantona Sarajevo**

sa ekonomskih kodova:

611100		036F- Bruto plaće i naknade plaća	14.766,00 KM
611200	CAA001	036F - Naknade troškova prevoza na posao i s posla	477,00 KM
611200	CAA002	036F- Naknade za topli obrok	1.950,00 KM
611200	CAA003	036F- Naknade za regres za godišnji odmor	476,00 KM
612100		036F- Doprinosi poslodavca	1.551,00 KM
614800	CAS001	036F - Drugi tekući rashodi-DPO	50.000,00 KM

na razdjel 24 Stručna služba za zajedničke poslove

na ekonomske kodove:

611100		013F - Bruto plaće i naknade plaća	14.766,00 KM
611200	OAA001	013F - Naknade troškova prevoza na posao i s posla	477,00 KM
611200	OAA002	013F - Naknade za topli obrok	1.950,00 KM
611200	OAA003	013F - Naknade za regres za godišnji odmor	476,00 KM
612100		013F - Doprinosi poslodavca	1.551,00 KM

na razdjel 11, glava 08, potrošačka jedinica 0001-Ured za borbu protiv korupcije i upravljanje kvalitetom Kantona Sarajevo

na ekonomske kodove:

613900		013F - Ugovorene i druge posebne usluge	40.000,00 KM
821300		013F - Nabavka opreme	10.000,00 KM

2. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-14644-20/19

04. aprila 2019. godine

Sarajevo

Premijer

Edin Forto, s. r.

Na osnovu člana 14. stav (3) Zakona o izvršavanju Budžeta Kantona Sarajevo za 2019. godinu ("Službene novine Kantona Sarajevo", broj 6/19) i člana 26. i člana 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 13. sjednici održanoj 04.04.2019. godine, donijela je

ZAKLJUČAK

**O UNOSU UPLAĆENIH TRANSFERA U BUDŽET
KANTONA SARAJEVO ZA 2019. GODINU**

1. Odobrava se unos sredstava (primljeni tekući transferi od općina 732116) u Budžet Kantona Sarajevo za 2019. godinu u iznosu od 5.878 KM koja su OŠ "Hašim Spahić" doznačena od strane općine Ilijaš u skladu sa Odlukom o odobravanju finansijskih sredstava za finansiranje nabavke mašine za čišćenje podova.
Sredstva iz tačke 1. ovog zaključka evidentirat će se u razdjelu 21, glava 02, potrošačka jedinica 0004 - OŠ "Hašim Spahić", na ekonomskom kodu:
821300 - Nabavka opreme,
funkcija 091 iznos: 5.878 KM
2. Odobrava se unos sredstava (primljeni tekući transferi od općina 732116) u Budžet Kantona Sarajevo za 2019. godinu u iznosu od 19.500 KM koja su OŠ "Mehmed-beg Kapetanović Ljubušak" doznačena od strane općine Centar Sarajevo u skladu sa Zaključkom broj 09/C-38-40/19 od 22.01.2019.g. za prijevoz učenika škole koji stanuju na udaljenosti većoj od dva kilometra od škole i gdje nemaju uspostavljene odgovarajuće autobuske linije.
Sredstva iz tačke 2. ovog zaključka evidentirat će se u razdjelu 21, glava 02, potrošačka jedinica 0014 - OŠ "Mehmed-beg Kapetanović Ljubušak", na ekonomskom kodu:
613500 - Izdaci za usluge prijevoza i goriva,
funkcija 091 iznos: 19.500 KM
3. Odobrava se unos sredstava (primljeni tekući transferi od općina 732116) u Budžet Kantona Sarajevo za 2019. godinu u iznosu od 1.916 KM koja su JU "Treća osnovna škola" doznačena od strane općine Ilidža u skladu sa Odlukom o isplati novčanih sredstava na ime troškova realizacije dačkih užina za socijalno ugrožene učenike škole.
Sredstva iz tačke 3. ovog zaključka evidentirat će se u razdjelu 21, glava 02, potrošačka jedinica 0021 - JU "Treća osnovna škola", na ekonomskom kodu:
613400 - Nabavka materijala,
funkcija 091 iznos: 1.916 KM
4. Odobrava se unos sredstava (primljeni tekući transferi od općina 732116) u Budžet Kantona Sarajevo za 2019. godinu u iznosu od 1.500 KM koja su JU "Osnovna muzička i baletska škola Novo Sarajevo" doznačena od strane općine Ilijaš u skladu sa Ugovorom za zakup poslovnog prostora za potrebe podružnog odjeljenja Osnovne muzičke i baletske škole Novo Sarajevo u Ilijašu radi muzičkog obrazovanja učenika.
Sredstva iz tačke 4. ovog zaključka evidentirat će se u razdjelu 21, glava 02, potrošačka jedinica 0036 - JU "Osnovna muzička i baletska škola Novo Sarajevo", na ekonomskom kodu:
613600 - Unajmljivanje imovine, opreme i nemat. imov.,
funkcija 091 iznos: 1.500 KM
5. Odobrava se unos sredstava (primljeni tekući transferi od općina 732116) u Budžet Kantona Sarajevo za 2019. godinu u ukupnom iznosu od 3.000 KM koja su JU "Prva gimnazija Sarajevo" doznačena od strane općine Centar Sarajevo (iznos od 1.500 KM) u skladu sa Zaključkom broj 09/C-14-544/19 od 06.02.2019.g. za obilježavanje svečanog jubileja (140 godina od osnivanja Prve gimnazije) i od strane općine Stari Grad Sarajevo u skladu sa aktom broj: 01-05-4-363/19 od 05.02.2019.g. (iznos od 1.500 KM) za obilježavanje Dana škole.
Sredstva iz tačke 5. ovog zaključka evidentirat će se u razdjelu 21, glava 03, potrošačka jedinica 0001 - JU "Prva gimnazija Sarajevo", na ekonomskim kodovima:
613400 - Nabavka materijala,
funkcija 092 iznos: 1.000 KM
821300 - Nabavka opreme,
funkcija 092 iznos: 2.000 KM
6. Odobrava se unos sredstava (primljeni tekući transferi od općina 732116) u Budžet Kantona Sarajevo za 2019. godinu u iznosu od 1.000 KM koja su JU "Srednja škola za okoliš i drvni

dizajn" doznačena od strane općine Vogošća u skladu sa aktom broj: 03-38-int/19 od 26.02.2019.g. kao pomoć u organizaciji 14. Internacionalne Alpe-Adria šumarske olimpijade.
Sredstva iz tačke 6. ovog zaključka evidentirat će se u razdjelu 21, glava 03, potrošačka jedinica 0025 - JU "Srednja škola za okoliš i drvni dizajn", na ekonomskom kodu:
613900 - Ugovorene i druge

posebne usluge,
funkcija 092

iznos: 1.000 KM

7. Odobrava se unos sredstava (primljeni tekući transferi od međunarodnih organizacija 731121) u Budžet Kantona Sarajevo za 2019. godinu u iznosu od 19.875 KM koja su JU "Bosanski kulturni centar Kantona Sarajevo" doznačena od strane UNDP-a za realizaciju manifestacije "Novogodišnja iskrica".
Sredstva iz tačke 7. ovog zaključka evidentirat će se u razdjelu 22, glava 02, potrošačka jedinica 0015 - JU "Bosanski kulturni centar Kantona Sarajevo", na ekonomskom kodu:
821600 - Rekonstrukcija i investiciono održavanje,
funkcija 082 iznos: 19.875 KM
8. Ministarstvo finansija će evidentirati i proknjižiti uplaćena sredstva i izvršiti plaćanje po nalogu Ministarstva za obrazovanje, nauku i mlade i Ministarstva kulture i sporta.
9. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-13232-24/19
04. aprila 2019. godine

Premijer
Edin Forto, s. r.

Na osnovu člana 14. stav (3) Zakona o izvršavanju Budžeta Kantona Sarajevo za 2019. godinu ("Službene novine Kantona Sarajevo", br. 6/19) i člana 26. i člana 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 13. sjednici održanoj 04.04.2019. godine, donijela je

ZAKLJUČAK

**O UNOSU UPLAĆENIH DONACIJA U BUDŽET
KANTONA SARAJEVO ZA 2019. GODINU**

1. Odobrava se unos sredstava (donacije od fizičkih lica 733111) u Budžet Kantona Sarajevo za 2019. godinu u iznosu od 1.483 KM koja su OŠ "Šejh Muhamed-ef. Hadžijamaković" doznačena od strane Predsjednika Vijeća roditelja učenika OŠ "Šejh Muhamed-ef. Hadžijamaković".
Sredstva iz tačke 1. ovog zaključka evidentirat će se u razdjelu 21, glava 02, potrošačka jedinica 0060 - "Šejh Muhamed-ef. Hadžijamaković", na ekonomskom kodu:
613700 - Izdaci za tekuće održavanje,
funkcija 091 iznos: 1.483 KM
2. Odobrava se unos sredstava (donacije od pravnih lica 733112) u Budžet Kantona Sarajevo za 2019. godinu u iznosu od 1.000 KM koja su JU "Prva gimnazija Sarajevo" doznačena od strane UniCredit Bank na ime podrške za obnovu kabineta Bosanskog jezika i književnosti.
Sredstva iz tačke 2. ovog zaključka evidentirat će se u razdjelu 21, glava 03, potrošačka jedinica 0001 - JU "Prva gimnazija Sarajevo", na ekonomskom kodu:
821300 - Nabavka opreme,
funkcija 092 iznos: 1.000 KM
3. Odobrava se unos sredstava (donacije od pravnih lica 733112) u Budžet Kantona Sarajevo za 2019. godinu u ukupnom iznosu od 1.300 KM koja su JU "Srednja škola za okoliš i drvni dizajn" doznačena od strane firme "Secom" d.o.o. Visoko (iznos od 1.000 KM) na ime podrške za organizaciju 14. Alpe-Adria šumarske olimpijade u Sarajevu i od strane S.G.D. "Hercegbosanske šume" d.o.o. Kupres za navedenu namjenu.
Sredstva iz tačke 3. ovog zaključka evidentirat će se u razdjelu 21, glava 03, potrošačka jedinica 0025 - JU "Srednja škola za okoliš i drvni dizajn", na ekonomskom kodu:
613900 - Ugovorene i druge posebne usluge, funkcija 092 iznos: 1.300 KM